

Mongondow - Agape Buk Mosuc - God's Love Letter Scriptures

Yohanes 15:9 Ná ki Amá ain notabi ko'i-Nakó, natua doman Aku'oi ain notabi ko'i monimu. Dá umurandon kobiag i mo'ikow sałaku intau inta kinotabi-Ku. Yesaya 43:1,2 - Epesus 2:10 Ki Jehovahbí in nomia ko'i naton, bo pinongin i Kristus pinomia-Nya ing kita, simbá kita mogaid kon soál mita inta mopia inta ain sinadia-Nya ko'i naton.

Yeremia 1:5 - Galatia 1:15 Tongá pinodoyonbí kon tabi i Jehovah, sahingga pinilí-Nya aku'oi ko wakutu ing kom bonupa in sian i ináku. Inoiní-Nya in aku'oi sim mogaid kon oáidan-Nya.

Yohanes 15:16 De'emanbí mo'ikow in nomilí ko'i-Nakó. Aku'oibí in nomilí ko'i monimu, bo nopotabá ko'i monimu mayak simbá modiamai kom bungai mobayong bungai mita inta diá moyoya-yoyang. Dá ogoibí i Amá in onukabí inigum monimu inta pinodoyon kon tangoi-Ku.

3 Yohanes 1:2 umuran makow mopo'igum doá ko'i Jehovah simbá ki Utat tantúpa mosehat bo bayongan inta mopia tantúpa doman umuran moyotakinmu, ná doman onda bo ginamu inta umuran mopia.

Yesaya 43:4 - 1 Petrus 2:9,10 Ta'e mo'ikow nion im bangusa inta kinopilían, imang mita inta mobantung kon raja, bangusa inta mokudus, umat inta kapunya'an i Jehovah. Aim pinilí bo inoiní i Jehovah im mo'ikow ilumuai nongkon sindip bo mayak tumu'ot kom bayag-Nya inta momulia, takin makusud bá mo'ikow mopota'a-ta'au makow in habar soál bayongan inta pinomia i Jehovah inta diá im poljuan. 10 Kolipod mo'ikow de'emanbí umat i Jehovah, ta'e masai in na'a mo'ikow nobalídon umat i Jehovah. Kolipod mo'ikow diá kinotabi i Jehovah, ta'e masai na'a mo'ikow ain notarima kon totabi-Nya.

Yeremia 31:3 - Epesus 1:4 Ko wakutu in dunia na'a diápa pinomia kita ing koyongandon pinilí i Jehovah pinongin i Kristus takin makusud bá kita mobalí kapunya'an-Nya inta tongá mosumbah ko'i-Nia bo mogaid kon onu inta pinarentah-Nya. Lantaran ki Jehovah motabi,

2 Timotius 1:9 Ki Jehovah nopoşałamat bo nogoiní ko'i naton bá mobalí umat inta kinotabi-Nya. Tua inaidan-Nya, de'emanbí pinodoyon kon oáid naton mopia, ta'e pinodoyon-Nyabí kom makusud-Nya tontaní bo totabi-Nya inta pinongin i Kristus Yesus ko wakutupa in dunia na'a diápa pinomia.

Yohanes 3:16 Lantaran ná domai tua in tabi i Jehovah kon intau kon dunia na'a, sahingga inogoi-Nyadon ki Adí-Nya tulong, simbá bayongan intau inta moperisaya ko'i-Nia diá moyoyang, ta'e moko'ułí kong kobiagan mononoi.

Hosea 11:8; Yesaya 49:15,16; & Yesaya 41:13,14

Lukas 12:32 Mo'ikow inta tongá topilik, dikabí mo'ondok! Si mosanangbí ing

gina i Amámu mobogoi im barakat ko'i monimu kom bonu ing kawasa-Nya. Matius 28:20 Bo tundú im mosia mogaid kon onu inta aindon pinoguman-Ku ko'i monimu. Bo bá kota'uan monimu, kon Aku'oi in umuranbí kotaki-takin monimu modapot in singgai pangabisan.

Yohanes 14:1 "Dona'ai mokuyang ing ginamu," guman i Yesus ko'i monia. "Popirisayadon ko'i Jehovah, bo popirisaya ko'i-Nakó doman.

Mazmur 23:1 - Yohanes 10:11 Aku'oibí na'a ing Gombala inta mopia. Gombala mopia im mobogoibí in nyawanya sing kopontingan in dombanya mita.

Mazmur 23:2 - Wahyu 7:17 Sing ki Adí in Domba inta ilimitú kon tampat pomomarenta'an tatua im mobalí gombala monia, bo diaan-Nya im mosia mayak kom bokakak in tubig inta mokobiag. Bo inggamáandon i Jehovah im bayongan luá kom mata monia.

Mazmur 23:3,4 - Lukas 1:79 natua in Sia monimbayag kom bayongan intau inta nobiag kon sindip bo inta umuran mo'ondok. Sia in nodia ko'i naton mayak mongin daļan inta mopobayak in tampat inta mopia.

Mazmur 23:5,6 - 2 Korintus 1:10-11 Ki Jehovahbí tua in posalamat ko'inami nongkon yoyiga inta mokopatoi tua. Bo inta posalamat ko'inami kon singgai mo'iduduimai na'a, sin tongábí Sia im binalí nami oändolan. Kami im moyakin bidon kon sambayang mita monimu ko'inami indongoganbí i Jehovah, sahingga im posalamaton-Nyabí ing kami nongkon bayongan inta mokobodito ko'i nami. Ki Jehovah umuranbí nobogoi im barakat ko'inami sin umuran monimu sinambayangan. Tuamai nobayongdon totok in intau mosukur ko'i Jehovah.

Pilipi 4:7 Dá kobiagan motomphia nongkon i Jehovah inta diá kodapatan raian intau, im moļukad kong gina bo raianmu inta ain notobatú i Kristus Yesus.

Oandaian 3:24 & Mazmur 4:8 - Yohanes 14:27 Kobiagan mo'onow bo motomphia taláan-Ku ko'i monimu. Dodamean-Kubí tontaní in ogoi-Ku ko'i nimu. Onu in ogoi-Ku tua de'emanbí ná inta inogoi in dunia na'a ko'i monimu. Dika molia-liaw ing gina bo dika mo'ondok.

Mazmur 33:18 - 1 Petrus 3:12 Sin umuranbí indoian i Tuhan in intau mita inta dinumudui kon onu inta kino ibog-Nya, bo umuranbí i Tuhan indongogan in sambayang mita monia; ta'e ki Tuhan moļawangbí kon intau mita inta umuran inta momia kon onu inta mora'at.

Rom 5:2 Lantaran kita moperisaya ko'i Yesus, dá inogoian-Nya ing kasampatan kita motarima kon tabi i Jehovah, bo totabi tatua im mokobiag ko'i naton tana'a makow. Tuamai moļunganga totok ing gina naton, sin oyúon in harapan naton mokoálami kong kobiagan mopia inta inogoi i Jehovah!

Yesaya 55:12 - Lukas 19:40 Dá ki Yesus notubag, "Poguman-Kudon ko'i monimu! aka mosia na'a bo kibio-biómaidon, yo batu bidon mita tanion im momajú."

Yohanes 16:22 Natuabí doman im mo'ikow: Tana'a makow moájarpabí ing gina monimu, ta'e buipabí in Aku'oi moyodungku! monimu, dá mopiabí ing gina

monimu; bo diábí tobatúmai intau mota'au mogamá kon sanang ing ginamu tattua.

Lukas 12:9 Ta'e ki ine im momayow kon tayowon intau moántó kon sia in dumodudui-Ku, yo sia im bayowan doman in Adí Intau kon tayowon malaekat mita i Jehovah.

Matius 10:30 Bá kota'uan monimu, kom bayongan bu'ok kon ułumu kinota'uan-Nyabí ing kobayongea.

Yesaya 54:10 - Matius 24:35 Tuamai mo'ikow im motanggung kon oáid monimu inta mołolimod kon intau mita inta diá kotalá, pinangkoipamai ko'i Habel, intau inta mopia tua, modapot ko'i Zakaria ki adí i Berekhya, inta ilimod monimu kon sigad in tampat mokudus bo meja pototuduan kon sosumbah.

Matius 11:28-30 Koligaidon ko'i-Nakó, im bayongan intau inta nongołopídon bo intau inta kopota-pota'an im mosibul, simbá ogoian-Ku ing kasanangan mo'ikow. 29 Aidaidon onu inta pinokíaid-Ku ko'inimu, bo duduidon kon oáid-Ku, mokopo'ompá kon dodia bo mokopoálus kon pososingog, dá ikow mokodungkuł kong kopia'an. 30 Sim parentah inta pinoguman-Ku im mopia, bo inta pinokíaid-Ku in diábí mororiga.

Salomo 2:10 & Hosea 2:14,19,20

2 Korintus 11:2 Aku'oi mokotanob ko'i monimu, naonda bo kototanob i Jehovah ko'i monimu. Mo'ikow nion naonda mongodeaga inta aim pinodandiku kon nika'an in tobatú lołaki, lołaki tattua ing ki Kristus.

Exodus 3:14 - Ibrani 13:8 Ki Yesus Kristus diábí mobału-balui, kolipod, masai na'a bo modapotkabí ing kopalutannya.

Hosea 13:4 - Rasul 4:12 Diábí ing kasalamatan kon ibanea makow kolikudbí ing ko'i Yesus tontaní, sing kon dunia na'a diábí intau ibanea in inogoian i Jehovah ing kawasa mopośalamat ko'i naton.

Yohanes 15:14 Mo'ikow nion in yobayat-Ku mita, aka pomia'an monimu onu inta pinarentah-Ku ko'inimu.

Yohanes 14:6 Ki Yesus notubag, "Aku'oibí na'a in dałan kom monota'au ko'i Jehovah bo moko'ułí kong kobiagan. Diábí tobatúmai intau mokoyaput ko'i Amá, aka diá mongin i-Nakó.

Wahyu 3:20 Indoiai! Aku'oi sinimindog kon tayowon lołingkop bo nonangkokok. Aka oyúon in intau nokodongog kon singog-Ku bo momukat kon lołingkop; dá tumu'ot in Aku'oi bo mokipodungkuł ko'inia bo monga'an moyotakin ing kaminda.